

الغربة

عابر سبيل ماشي
والدنيا وخداني.
اشكي لمين همي
يا غربة نسياني.
فوق الجبال اسمي
محفور هنا عنواني.
الدنيا غابة كبيرة
وانا فيها وخداني.
الغربة جوايا كسرت
جمال الروح
عشعش في قلبي
الخوف والهـم ناداني.
يا غربة ملعونة
بتقسي على الأحباب
تجمعهم يوم
وتفرقيهم تاني.
الغربة مش معناها

اني أكون رَحَال
 وبلاد تاخذني
 وبلاد معنداني.
 دا الغربية فى القلب
 ساكنة وأنا وسط
 عمي وخالي.
 العمر كان عود
 ريحان أخضر والندي
 فوق الورق نادي.
 الوش كان ذي القمر
 بدر ومنور
 والطلّة عجباني.
 والصبر في غربتي
 كاره سواد الليل
 والعمر كله ليل
 والهّم موالي.
 الدمع في عيوني
 غرق غيطان الصبر

والصبر أصبح واحد
من ضمن أحزاني.
والامتحان اللي دخلته
يجي ألف مرة
هعيده من تاني.
يا غربة امشي من
القلوب خلي القلوب
تصفي، والمية تجري
وسط الشجر
يطرح قمر عالي

